

## ENE BASETXE

Baso bidean ba det etxea  
muñoan uso zuri asean,  
belatz berdin egak zabalikan  
baso barrura sartu naian.

An bai bizi naizela pakean  
ene aitaoen basetxean;  
esne ta ezti daukat ugari,  
Yaunak zaindutzen nau begiz begi.

Zelaian ez do narotasunik  
zugatz ausien irringa baizik,  
orain gurdi aurre itzai nijoa  
kurrinkaz alaitutzen basoa,

Laztantzzen nau gero maitasunak,  
ene semeak zaizkit ingumak  
goldetuken naizela soroan  
ingurun dabiltzik yolasean.

Urrea nai ezkeroz, sagarra  
kupelean daukat urre zara  
ontzian ixuriz maskulloka  
ase ala distira badauka

Urte giroak alaitzen naute  
so-egiñik Gurutzari maite,  
ez da orain alperrik saratza  
baso loditik udazte otska.

Udamin nazu geroxeago  
basoko itzala maite izateko;  
ez inon ere ordun usailkik  
belar ondubarena alakorik.

Aurki txantxangorri alai dala  
urree sortuko det beralala,  
sagarra deika zait mañail gorri  
ta gaztaña parrez ortz agiri.

Alai bizi naiz esnea baño  
errapetikan kantiñoraño  
ilargia ortzean sorturik  
zeletari dula leyar ausitik.

Betorrela nai ba du elurra  
mandion ba det naiko ezkurra,  
orri igarrak ardintzan txabolan  
ta ganbelak alai beitegian.

Ez naiz negarrez gaitz gogor aurre  
muxika zaitdalarik emazte,  
ez nau bildur eriotzak ere  
Goi-atari dalarik basetxe.

Ene ba atariko lau lizarrak,  
maite ditzadan uztarri zarrak  
ta iruten ari zeran irule  
esan otska danean yuale.

Eleiz otsa zaitdaniañ urrun  
iruditzen zait nagola zerun  
itur ondoan otoitzka ordun  
aingeruk dirade nere lagun.



# ELURTE

Lilluraturik ume  
oro nago begi  
mara-mara datorren  
elur matatzari,  
amets zoroa zuriz  
gero zait irudi  
orregatik maite det  
elur zuri ori.

Artzaiari badakit  
zaiola mingotza.  
Sorionari ere  
nor kendu salantza?  
Udaztez elorria  
orobat da arrosa  
elurra berriz zuriz  
zerutar urratza.

Yainkoa dago itxason  
margotutzeko zuriz  
bere izar maiteen;  
margolari ederrik  
bai da or goi barnen  
urriak erretako  
ludia zuritzen.

Ba ote da zurigo  
elur ori baño?  
Betor aurki singeru  
esaten maiteño.  
¡Ederrik litzaiteket  
lizar txori baño  
elur gañdik eresten  
biurturik laño.

Ur yaultsiaren bitza  
len zitzaidan zuri  
elurtez orain oro  
buztina dirudi;  
basetxeak ez dira  
usotxoak beti  
bildotxak zaizkit oriz  
belatz zurin aski.

Ugatztik kantxilara  
esnea bai zuri  
elurrakin berdintzen  
alare etzait aski;  
lurtarrak utsirikan  
zerura alda nadi  
Gogo Deunaren egaz  
sararatuz euzki.

Ene bai dala zuri  
zerutar gogoa  
Kisto'ren odol gorritz  
zuritutakoa,  
¡A elurrak baluke  
ainbeste kemena  
erraitik kentzen atza  
ibai beltzarena!

Bańan ez do berdintze  
Goi ta be artean  
naiz Goi-eskerra iduri  
zuriz elurtean;  
ibai beltzare etzaigu  
elur errayetean  
obena bezin beltza  
gogo barrenean.

Lurtarrik bańan etzait  
elur bezain zuri;  
eltxo antzo yarai ba  
elur matatz ori;  
lilluratu nazazu  
zurizka sorginki.  
Zergatikan ez biok  
alkarren maitari?